

Nakorsaatit pillugit ataatsimiititaliaq pillugu Namminersornerullutik Oqartussat nalunaarutaat

Nakorsaatit pillugit inatsisartut peqqussutaanni nr. 1-imi, 12. maj 2005-imeersumi § 3, imm. 4, naapertorlugu aalajangersarneqarput:

Nakorsaatit pillugit ataatsimiititaliap ilaasortai

§ 1. Nakorsaatit pillugit ataatsimiititaliaq 7-iniit 11-nut ilaasorta qarpoq, Naalakkersuisunit toqqarneqartunik. Ilaasortat peqqinnissaqarfimmi atorfeqartuussapput.

Imm. 2. Sinnisussanik toqqaasoqassanngilaq. Ilaasorta q ilaasortaajunnaarpat Naalakkersuisut ilaasortassamik nutaamik toqqaassapput.

Nakorsaatit pillugit ataatsimiititaliap sulinera

§ 2. Nakorsaatit pillugit ataatsimiititaliaq minnerpaamik ukiumut sisamariarluni ataatsimiittassaaq.

Imm. 2. Nakorsaatit pillugit ataatsimiititaliami ataatsimiinnerit tamanut ammasuunngillat.

Imm. 3. Pissutsit immikkut ittut atuutsillugit nakorsaatit pillugit ataatsimiititaliap siulittaasua suliatigut ilisimasalimmik aggersaasinnaavoq, tassaasinnaasumik nakorsaq peqqinnissakkut nakkutilliisuutitaq, uumasunut nakorsaaneq, Dronning Ingridip Naparsimmavissuani nakorsaanerit immikkut ilisimasallit, Nuummi nakorsaaneq imaluunniit kigutit nakorsaanerat.

Imm. 4. Nakorsaatit pillugit ataatsimiititaliap siulittaasua ataatsimiigiaqqusilluni aggersaassaaq. Aggersaaneq allakkatigut naleqquttumillu piffissaliilluni ilisimatitsinikkut pissaaq.

Imaqarniliortussaataaneq

§ 3. Nakorsaatit pillugit ataatsimiititaliap ataatsimeereernerisa kingorna imaqarniliortoqassaaq oqaluuserisani ataasiakkaani nakorsaatit pillugit ataatsimiititaliap suliarinninneranik oqaluttuarinnittumik. Imaqarniliat nakorsaatit pillugit ataatsimiititaliamit akuerineqareernerisigut nakorsaatit pillugit ataatsimiititaliap ilaasortaanut, Peqqissutsimut Naalakkersuisumut, Peqqissutsimut Pisorta qarfimmu, nuna tamakkerlugu nakorsaasiortumut, Dronning Ingridip Napparsimmavissuani aqutsisunut, Peqqissaaveqarfinnik Aqutsivimmut, Peqqinnissakkut Nakkutilliisoqarfimmu aamma uumasut nakorsaanerannut nassiunneqassapput.

Suleriaaseq

§ 4. Nakorsaatit pillugit ataatsimiititaliap suleriaasissani nammineq aalajangersassavaa.

Atuutilerfia

§ 5. Nalunaarut atuutilerpoq 1. januar 2006.

Namminersornerullutik Oqartussat, ulloq 14. november 2005

Asii Chemnitz Narup

/

Søren Rendal

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut